

OMUKUETU

N:o 12

GUOKRISMESA

1951



ELUNDULULO EPE.

(Ehangano 298.)

Oohaj u doje, Omuaa, de tu kongo,
no de tu aada kokule kiilongo,
moohepo, nuuvu, momapukico,
muupika, meso no mekaneno.

Oue tu uuvanেকে ombili.
Ua ti to kuaca kehe ngo ta lili.
Shaa te ku cete omutenge gue,
to mu mangulala muuehame ue.

Ongame ndu uuvu ko oohanu doje.
Ndi shi shi ngaj tii icanua kungoje.
Ondi nehala uo ndi cike ko,
shaa tuu mondjila ngaj te tulua mo.

Ihe omuposi oku uete ngiini?
Nompukile ta ji nondjila jiri?
'Shilema olje te shi endica?
Nomusi unake oti ijumuda?

Ua ti: mondjila joje jomegulu
mu nuuehame, mu na uo uululu,
ji pite momasilu geso uo,
opo ji fale ndje meadimo.

Ihe uudigu ngame nde u tila.
Inaandi hala okuja mombila.
Nda hala n aj" ndi kale kokule
nomushigakano, nda, gu humbate.

Jesus, ongoje u li po ondjila.
Pukulila ndje, sho nda pukilila.
Tala eka ndje, sho nda loloka.
Kala omuenjo guandje, sho nda sa.

Momotondi ngono, Jesus, hupica ndje!
Menono ljoondjo, Omuaa, nakula ndje!
Mondjila joje hokica ndje mo,
nando omushigakano gu li ko!

ENJANJU LJAASITA.

Oshike she ja njanjukica? Oshoka pujo pua cika-
ma omujengeli e nelaka euanaua. Elaka ndjoka euanaua
shili, oshoka tali ti: „Mua valelua Omukulili.” Aasita
ja li moshimpuju shokudiginina iimuna jauo ohaluka
ju uvu elaka euanaua etoje. Onke ano omukuetu, ito
pauubua okutala nokukonakona shoka sha njanjuda
aasita mbeja. Aasita ojo aantu ja dinika, ngashi haa
icanua aanahambo (aali jomahini). Onke ano mokutala
uufupi nauo, inaa guana okuuva elaka ndjoka. Ihe nani
elaka ndjoka oljauo uo. Pecimbo tuu ndjoka ja tona-
tela iimuna jauo, taa lombuelua: „Nane uo mua valelua
ngashingeji Omukulili.” Ano elaka ndjoka olja njanju-
da shili aasita. Omeho gauo taga adima ngoonjeka.

Otse aauambo enjanju ljetu okunjanjukilua elaka
ndjoka oli li po eshona. Pamue inatu didilika naua
nkene tua li kokule, omutondi sho konjala e tu fale
mekano. Atuhe tua kala konima miinima ojindji, ii-
guana ojindji ja pukuluka ji tu vule. Ihe nando ongeji,
Kalunga ine tu dina. A tumu omujengeli kutse, e ne-
laka: „Nane uo oshiguana shauambo mua valelua
Omukulili.” Aakuanegulu ajehe taa injenge okutaande-
lica elaka. Natango ongundu onene jaakuiita ja njan-
juda aasita, sho ja hala okukoleka elaka ndjoka no-
shihomo sheimbilo ljauo.

Omukuetu ou shi uvite tuu? Elaka li shi okunja-
njukilua shili. Tala aakuanegulu ja tama omakana ga-
uo ga ningi omanene opo uujuni auhe u uve ohole ja
Kalunga metumbulo: „Mua valelua Omukulili” nome-
imbilo: „Nombili kombanda jevi nokuhokua aantu”.
Omukuetu omuholike, Kalunga oku tu hole mOmuaa-
na Jesus Kristus. Omuuvici guotangotango guo Krismesa
oje omujengeli okua popi „enjanju enene tali ningi
ljiiguana ajihe” nokua ti: „Onena nokuli enjanju
ndi lja ningi ljaantu ojendji jomiiguana ji ili no
ji ili.” Didilika enjanju lja ningi no ljaauambo uo. Aa-
sita ja dana okrismesa mu Betlehem pamue na Jesus
na Maria na Josef. Ihe tse nge tua hala shili okula-
ndula Jesus, esiku tali ke ja ihe, una tse tata gongale-
le mo moshituci shokrismesa shomegulu itashi hulu
nando esiku limue. Nena enjanju lja guanenena. O-
krismesa je ja isheue. Omuaa guombili ta hala a cike
nomaandjeni. Taamba omujenda ngu i ifupipika. O-
krismesa ndjika ja hala ji tu uvicile enjanju lja ningi
ljetu. Tu galikane: „Kuaca ndje Omuaa Jesus, nanga-
me uo ndi ku landule sigo te ka cika koshituci sho-
krismesa shomegulu”.

Toivo Jesaja.



„Dimbulukueni aakuluntu jeni, je mu uuvicile oohapu da Kalunga, taleni ehulilo ljoondjenda ljauro, holeleni eitaalo ljauro.” Hebr. 13:7.

Eeno, ojendji je tu tetekele, ja ciki kecikilo no je tu cigile oshiholelua oshiuanaua.

Osho nomusamane, omuhongi Olli Suikkanen okua hulica oondjenda de kombanda jevi ndi eti 25 lja November. Oje okua aadikila ku Johannesburg moshihakulilo moka aka kongele ekuaco muuvu ue uumukona. Je ina aadikila muukulupe, aue omimvo de 57 adike.

Oonkundana dika odoluhodi kutse mbaka tua cigala po nuunene komuselekadi no kojana. Ihe otu nehekeleko omeinekelo ndika, omukuetu a ciki mevululuko ljaana ja Kalunga. Einekelo ndika tu li na, hamolu uudiginini uonakusa miilonga je e ji peua ku Kalunga ojeuuvico ljevangeli, nando kue ji diginina shili, no hamolu uujuuki ue muene, aue, ihe omolua Jesus Kristus nomolu ekulilo ndjoka tue li longekidilua k'Omuaa ngu. Esilohenda lj'Omuaa guetu oljo tuu alike einekelo ljetu no ngashi ljonakusa nguka, ngashi kue li uuvicile nuuladi aauambo uo omimvo odindji miilongo mbika jo k'Ouambo no k'Uushimba, no k'Okavango no ku Johannesburg, nkoka a kala nokukonga nokulandula oonzi da Kristus, aauambo aagundjuka, no momalumbogo goomina odijili na diili noku ja uuvicila ehijo ljesilohenda lj'Omuaa.

Elaka lje ljokolutu ngashingeji olja muena ihe. Onkene ote tu popica natango okokudimbulukua kue. Te tu kumagida noku tu tsuladi, tu kale tu nuudiginini mekondjo ljetu euanaua ljeitaalo, tu ninge aasindani, tse tu cike uo kecikilo euanaua ljaana ja Kalunga. Oshiholelua she otashi tu kumida natse uo tu kale nokujakulacana mondjila jokuja kegumbo ljaandjettu omegulu.



OKRISMESA OMBUANAU.

Maria a li mondjila jokuja kongulu. Omeho ge ga njanjukilua eopalo ljokelundu. Omuidi gua ziza nana noongala do opara da monika pondjila. Oongala doka de mu dimbulukica ohema je ompe oje okue ji humbatele moshikajua she. Najo uo ji noongala oontiligane. „Ongula tu nOkrimesa no tandi ka zala ohema ndjoka.” Osho oje a diladila mokuenda kue.

Ihe nando a diladila ngeji, momuenjo gue mua li kamu nombili. Omeho gaamuajina mboka je mu laleke sho kua cikama maandjauo, ge mu tamaneke. Oga li gu uda oluhodi. Na gumue guomaanona a tumbula nokuli a ti: „To zi po? Ito ka dana natse Okrimesa?” Noje a dimbulukua natango ejamukulo lje: „Aue, onda hala oku ji dana pongulu. Nkujaka ku na uuanaua ouindji katu u na maandjetu. Oku na ookinteli nuuleke notee noomboroto oontoje.”

Maria okua li a longo naale pongulu, ihe okua shuna kegumbo, ofeilaini sho kua ji kefudo ku Suomi. Ngashingeji ofeilaini okua galukile koshilonga she shonaale, na Maria okua li e shi shi, oje te ke mu taamba nenjanju a dane Okrimesa puje, nando Maria ina uapa ue oku mu kalela ngashika shito. Ontungua Maria okue ji mu tungile omagano, oja li uo moshikajua na Maria okua diladila nokuli oshipaketi she muene oje te ke shi mona metopolo ljomagano.

Mokuenda kue oje a tameke okuimba: „Jesus tse aamuoje mba.” Ihe sho kua ciki moohapu di: „Jesus, ando tu ku pe, shoka she ku opalele, oje a zimbuka ombadilila nokua cikama peha limue. Oohapu deimbilo da ningi eipulo; „Jesus, a hala, ndi mu pe shike?” nejamukulo uo oje okua li e li shi. Oljo ndika: „Jesus a hala, u dane Okrimesa maandjeni nokunjanju-

da aakueni, ha nokukonga enjanju ljoje muene.”

Maria okua li u uvite, oje e nokuvulika. Ando ina vulika, ando a kanisa ombili je ajihe. Sho kua li nokuli popepi nongulu, okua tokola oku ka miika ofeilaini, ihe manga ina tsikila ondjila je, oje okua ji momuti guontumba nokua tsoongolo nokuindila Kalunga e mu pe oonkondo okudiginina etokolo lje nokushuna maandjauo. Nombili onene ja kulukile momuenjo gue.

Maria sho kua ciki pongulu, ofeilaini okue mu taamba nenjanju nokue mu pandulile ontungua jo opala. Maria sho kua cikama a shune, oje a peua ihe okapaketi ke, nofeilaini okua tumine aamuajina ja Maria omahalelo gokrimesa ombuanaua.

O, nkene omeho gaamuajina ga adima, Maria sho kua galuka. Meui lja jina uo mu uvika enjanju sho kua pula: „Ua galuka?” — Maria sho kua matula okapaketi ke, okua mono uukinteli uutatu nuuleke nomafano go opala. Aamati ja ka konga omuti omushona. Ogua dikua, nookinteli da tsilikua kiitaji jaguo. Aanona aashona ja kombo megumbo alihe, na Maria okua kuaca jina mokupaka po uutalelo.

Ongulohi sho ja hungile pomulilo nokunjanjukilua omuti guokrimesa, ajehe ju uda enjanju enene. Uuleke nomafano ga topelelua ajehe. Aanona ji imbi omaimbilo ogendji go opa'a no ja hokolola omahokololo gokrimesa. Maria uo okue ja hokololele ehokololo epe, nomusamane okua lesa evangeli ljokrimesa. Oje sho kua lesa. Maria okua li u uvite aajengeli ja li shili kombanda jauo nokuhamblelela okuvalua kOmykulili.

Sho ja ka lala, omusamane a ti: „Kandi shi uo, ngele tse tina li tu na shito okrimesa ombuanaua ji cike mpa.” Na Maria okua li u uvite, oje a popi oshili.

Ps. 127: 1-4; 1 Tim. 4: 12-15.

Ookume kange nje ava mu li mefimbo lounja-sa, onda hala ndi mu popife. Opu nosinima esi si li momuenjo nange nonda hala tu si kundafaneni ofje tu li po hatu kulu nohatu i komeso ngasi tu li po omapipi nomapipi.

Taleni, osiuana setu saauambo osi li konima. Omulua sike? Osesi inamu longua. Ovamati ovanja-sa avese va hala asike okuja kOusimba ve li landele eenkaku domapa, ndele okuja moskola ve lihonge kaku po. Osiuana setu saauambo otasi humu komeso naini? Aauambo ovo ve li konima joiuana mo S. W. A. Hano hatu pumbua okulongua sili eendunge moskola.

Mounjuni uopaife fimbo ino hongua ito mono oilonga iua. Aluse to kande nokulifa eedi osesi ovanu inava hala omuntu ina longua. Onje tu nje, ome-me natate, kondjeni jounona ueni va site moskola.

Opo osiuana si hupe sili, Kalunga a jandja eendunge nomajele omuntu e di longife. Tonateni nokuindila! Ekondjo letu kali fi okukondjifa ombelela nohonde. Ef. 6: 10-18.

Kalunga ne mu jambeki!
Simon Moses.
Okahandja.

ONDJALA NENOTA LJOKOMUENJO.

Oolje ja sondjala noja sa enota ljokomuenjo? Mesiku 28 lja Sept. 51 otua pashijona momukunda g'Uuno mUukuambi. Sho tua li po megumbo ljontumba, notwa hala okucikama tu shune komuhandjo guetu, otua tsejicile omukulukadi muene guegumbo kutja otatu ji. Omukulukadi nguka ina hala oku tu eca manga inaatu injongamena pamue naje. Oohapu de oda dimbulukica ndje eicano ljOmuua tali ti: „Ngele ku na ngoka a senota, ne je ku ngame, je na nue.” (Joh. 7: 37) Omudo nda ziilile, na konima jehulico omukulukadi e tu kundu vo nekundo ljomEpsalmi 64, nokua eta uo ehala lje puujelele kutja oku na ehala enene a mone sha ando mokulessa kue Ombimbeli. Omukuetu gumue okue mu kuaca noku mu tsa omukumo a leshe aluhe nokugalikana Ombepo Ondjapuki a kuluke popepi. Oje auike ta vulu okufatululila omuntu shoka te shi kongo mOmbimbeli.

Mehokololo ndika efupi onda dimbulula kutja ku na aakriste ojendi je na enota nondjala jokomuenjo momagumbo gauo, manga jamue taa tege ouala okugong la kuomongerki, opo ja palucue aniuva komuenjo. Omuaa Jesus ota ti ngini ano? „Aanelago ohepele jokomuenjo. Aanelago oomboka ja sondjala noja sa enota ljuujuuki.” (Mat 5:3,6) Ngashi Jesus e shi popi, omunelago oje tuu ngoka ta kala nondjala aluhe, halumue moshuike. Ngashi omuntu ta pumbua iipaluca esiku kehe lutatu nge ljaali, opo a kale nomuenjo guomolutu, osho uo omuenjo tagu pumbua okupalucua lutatu nge oluindji nokuli, opo gu kale nomuenjo guopambepo. Aakriste ne oojakuetu, tu seni oshimpuju shoomuenjo detu, tu di paluce noohapu da Kalunga pamue nomagalikano, nomahambeleso, nomaindilo uo.Kuku Petaja okua dimbuluca uo oshinima shika moshifo N:o 8, kutja aantu naja ninge ooandaha momagumbo gauo. Inatu ipuililikeneni niilonga tse tu dine okupopica Kalunga ketu. Jamue otaa ti: „Eci-mbo ljoandaha ongula nongulohi otali mana po eci-mbo ljiilonga.” Shika shaa kale she tu holekua, nando tu longe nuupenda tse tuua na ejambeko, otatu ihepeke ouala.

Aaholike, tu lesheni omambo getu gomatestamenti nuudiginini nokugalikana, tse tuua dimbue nando esiku limue oandaha jengula nojongulohi, moka tamu tu zile oonkondo dokomuenjo. Shika natu shi niingeni kehalo euanaua.

M. K.

otai ka hovela eti 28 la Januarie 1952, Omuene ngenge e shi hala. Hano efiku olo eti 28 la Januarie olo lekonakono, ovo tava tambulua mo otava hololua.

Moskola ei ovalumenu aveke tava tambulua. Ovalumenu ovakriste vo va hala okulongela Kristus no ve li po va diladila oskola i li ngaha, nava tume eembapila davo k'Engela, okoskola jovaevangeliste ile komuhongi Erikki Hynonen. Eembapila odo di nokutumua odo tuu edi:

- Ombapila ja shangua komuindili muene ou ta indile okutambulilua moskola jovaevangeliste.
- Ombapila jeongalo,
- Ombapila jepopilo lomuffita ile lomuhongi,
- Ondobuedi joskola jovamati ile ondobuedi joskola jounona.

Shaashi ku na vamue kashiimba inava pita moskola jovamati, nava pule ondombuedi komulongi oo e mu hongua moskola jounona. Omulongi uaje moskola jounona ne mu pe ombapila tai talika ondombuedi nande okua li ine i peua nale eshi a hulifa oskola jounona. Ngenge ku na ou ita mono ondombuedi i li ngaha nokuli oje na popilue komuffita.

Oskola jovaevangeliste otai ka longa omido mbali. „Jeluleni omeso eni, nje mu tale omapja numbi a pja okutejua.” Ilikaneni omuene uoilja, a tume ovalongi metejo laje.“

Engela. 22, 11. 1951.

Erkki Hynonen.

POOMPADI DOMUUA.

Etijaali lja September osondaha tua gongalele mokandjago ketu moka hatu gongalele mo aluhe, otse nomuhongi guetu ngoka he tu jakula aluhe tse aauambo. Omua shashua jaali jo mutse nUulalelo uu-japuki ua gandjua uo. Omaimbilo ga imbua nuuladi ngashika tu na omuuliki guomaimbilo Eliaser Noa.

Tua kala tu na omuenjo du uda enjanju shili okunjanjukilua aakuetu mboka Kalunga e ja joolola muujuni ongotse uo.

Eeno oojakuetu, Omuaa na hambelue sho ta kuaca ngeji no muundjendi uo.

Omushigakano guOmuaa natu gu kondjele manga tu na ecimbo ljo opala.

Matheus Shatipamba.
Kaa-pstad.

EGALIKANO OMOLU ONKOLUI.

Omuaa Kalunga Tate U li megulu. Ongoje nguka U hoole aamuoje ajehe no ue tu longo okukonga mboka ja kana na mboka ja kucua po komutondi ja galuke kOmusita omukuluntu.

Omuaa, otatu ku galikana U sile ohenda ookume ketu mboka ja mangua nomapaja guunkolui. Omuaa, mangulula aamuoje ja uape uo je ku longele oonkondo dauo doka da hupu ko nomalutu gauo ga mone uo eja-pulo.

Omuaa, tu longa uo oku ja kuaca ja ze mo, omolua Jesus Kristus Omukulili guetu no molu edina ljoje, Tate omuhoolike.

Eeno omuameme, otu na ompito okumangululua. Omuaa guetu e nomuenjo nokua tegelela ngoka te mu icana.

IITUCI JESHASHO NE JEKOLEKO.

Komaha ogendji gokUushimba kua zi oonkunda-na oombuanaua da hokolola iituci jeshasho no jekoleko. Mu Abenab-myne mua shashua 28 no mua kolekua 19. Komaruru kua zi elaka lja hokolola aashashua 8 naakolekua 5. Ku Oranjemond kua zi oombrive mbaali. Ojimue ja hokolola eshasho ljaamati 41 neko-leko ljaamati 42, nonkuauo je tu tsejicile eshasho lja 112 neko-leko lja 91. No kokule uo, ku Kaa-pstad, kua shashua aauambo jaali. Ombrive ndjoka ja zi mu Kaa-pstad ja njoolua ku Julius Abraham. Oje ta ti: „Oojakuetu, tu ja faleni koshipala shOmuaa aluhe omomagalikano, jo ja koke muukriste no ja dimbulukue oja kulilua nombinzi ji nondilo omu Jesus Kristus, no ja iimike iijimati taji holola ojo ja kulilua.”

ONKUNDANA.

Mateus Shatipamba, Kaapstad, ta kumagida aakuluntu jaa dimbue oluvalo luauo lua halakana komavi gokokule opo lu galukile kujo.

Paulus V. Haikela, Windhoek, ti indite aaleshi jOmukuetu okugalikanena aamati auuambo a dimbulukue eliko ljomuujuni mbuka tali hulu po.

Josef Haimbili, Okatjerutle, ta ti: „Diladile-ni oondunge doka oombuanaua, okehe tuu ngoka uo-mucika gueitaalo lje ongashika Kalunga egumu pa.”

Waino Sh. Anganda, Kaapstad, ta hoko o a nkene aajugi ja hala oku mu dipaga no ta ti: „Onda li ndi luete ndi li posheelo sheso. Andola Omuaa Kalunga ina gamena ndje, ando nda dipagua.”

J. Kustaa, te tu dimbulukica oohapu dika da Jesus: „Ileni ku ngame, amuhe hamu lene ro mi a lolokicua, ongame no tandi mu pe evaluluko.”

E. Tegelela S. Iitembu, Gobabis, ta ti: „Andola tatu mono ejo l'Omuaa, nena ecimbo l'apua po. Omugundjuka, penduka, to icanua kOmuaa guoje.”

Apollo Job, Kimberley, oti indile: „Kuafe nge u jandie nge kosipala sOmueene oufik u nomutenja, amendi li po ndi neengunga dokuudifa evangeli lOmueene.”

E. H. Bully, Marienthal, te tu dimbuluca Omue-ne a hala tu kale nomuenjo gua jela.

Paulus Nuujoma, a dimbulula nkene omuenjo gomukriste tagu tekela koohapu dOmuaa.

B. G. Ponjo, a dimbulula nkene iipango jOmuaa taji pukulula ngoka te ji landula.

Eino Uusiku, Elim, oku noluhodi omolua mbokataa kanica oomuenjo dawo muujuni, no te tu tsomukumo tu kugile ku Kristus, tu hape.

Efraim Eengombe, Tsumeb, e nekundo tu kondje ekondjo euanaua ljeitaalo.

L. Hauala, Onguediva, e nehalelo tu sakenife o-simpungu sOmueene somepja laje.

Johannes Manasse, Oshigambo, ota dimbuluca nkene Jesus oje omuaaludi guolutu uo.

Johannes Kamulu, Oranjemond, te tu dimbulukica, eendjovo da Kalunga odo osima sinene.

Natanael Hiskia, e li mosipangelo kOranjemond, no ta ti: „Tu ilikaneni moudju ohatu vele.”

Johannes Amunjela, Usakos, ta njoola ta ti: „Ongoka ta holeke iilonga je iuinaji, oje kee nelago, aue. Taku tiua, ngoka te ji hokolola no te ji eca, oje ta siluohenda.”

Hosea Leonard, Ombalantu, ta kumaida ovanjasa: „Inatu kanifeni onkedi jopa Kristus, Omue-ne uetu. Oje a koleke oanjasa uetu tu kale ovana va Kalunga.

Ashipala Aksel ja Vilho, muTsumeb, te tu kumagida tu matukile mekolo l'Omuaa, e tu hupice.

Tobias Nuujoma, Windhoek, te tu njoolele oohapu da Kalunga tadi ti: „Ecimbo lja cikana, epangulo li tameke megumbo lja Kalunga.”

Elia Paulus, omukalongo, ta hokolola nkene oohapu domujevangeliste ngoka okue ja talele po mu Tsumeb, oda penduca muje ehalo ljokuja megulu. „Tatu keme nokujuulukua tse tu zalekue egumbo ndjoka ljomegulu.”

Johannes Shangombe, Oranjemond, ta hokolola: „Pehovelo lomudo 1951 kOranjemond kaku li osondaha. Okua li ovantu tava longo mosondaha. Mokuhovela omuedi Julie ovantu itava longo vali osondaha. Omuntu ngenge ta monika, ta kua tua, fiyo ota futu nokuli. Nena hatu ongala momafiku osondaha nenjanju no hatu hambelele Kalunga tua hafa.”

Paulus Muetako, Oshigambo, e noluhodi omolu aamuajina mbokataa tindile muupika uomutondi no te tu njoolele oohapu dOmuaa: „Otashi kuaca shike, omuntu nando ni ilikolele uujuni auhe, e te ekelehi omuenjo gue.”

Kamati Sosipater Mateus, Abenab, ta kumagida shili aamati aagundjuka, ja galikane Omuaa, e ja pe oonkondo okuipangela omalutu gauo.

Andreas Intamba, a jematele omikalo daauambo jamue mu Windhoek no ta ti: „Tu galikaneni Omuaa e tu pe Ombepo jo opala, ji tu pe oondunge nokukala okuanaua nokutseja hoka tua zile.”

Paulus Hamukuaja, Windhoek, naje uo

a hokolola omikalo omiunaji dokUushimba no ta ti: „Ofje ovakriste mOusimba tua ninga ovantu vounjuni.”

Silvanus Thomas, Swakopmund, te tu dimbulukifa ntumbi mukriste omo tamu di osili nelao lokomuenjo neenkono dinene sili.

Andreas Mateus, Swakopmund, te tu kumagida tu efeni oikoluifa osesi itai tu kuafa eendunge dokukonga Kalunga. Tu kondjeleni osilongo sa Kalunga.

Johannes Nambala, Omaruru, ota ti: „Kacni mohole no muujogoki nokuinekela Kalunga o haka oje auike eshigo negameno ljetu.”

W. Abraham, Walvisbaai, ta hokolola nkene aantu jamue ja hupu moshiponga shomefuta. Cruua oje omugameni guetu.

Sakeus Josef, Walvisbaai, ta hokolola eso lja Jonas Stefanus, omungandjera, a mana oondjenda de mu Junie no ta ti: „Tu kotokeni, eso kili tu aade ombadilila.”

A. Nangolo Jeremia, Oranjemond, te tu kumagida, tu je muusita uOmuaa, manga pe necimbo.

JANUARIE 1952.

OMUUA, TU PA OMBILI NELAGO.

- Hebr. 13: 8-16. Jes. 55: 1-9. Jos. 24: 14-16.
- 1 D. Omumvo omupe.
 - 2 W. 5 Mos. 33: 26-29. Mk. 1: 9-13.
 - 3 Do. Iil. 4: 8-12. Mk. 1: 14-20.
 - 4 V. Jos. 1: 5-9. Mk. 1: 21-28.
 - 5 Sa. Jak. 4: 13-17. Jes. 2: 2-5. Mk. 1: 29-39.

- 6 S. 2 Kor. 4: 3-6. Joh. 8: 12. Jes. 2: 2-5.
- 7 M. Esiku ljaapagani.
- 8 D. Joh. 8: 12-20. Mk. 2: 1-12.
- 9 W. Ef. 5: 8-14. Mk. 2: 13-17.
- 10 Do. 1 Joh. 2: 7-11. Mk. 2: 18-22.
- 11 V. 1 Joh. 1: 5-10. Mk. 2: 23-28.
- 12 Sa. Joh. 3: 16-21. Mk. 3: 1-6.
- 13 Sa. 1 Joh. 2: 12-17. Eps. 122. Mk. 3: 7-12.

- Hebr. 3: 18. Joh. 7:14-18. Omajelet. 1: 7-10.
- 13 S. Os. 1 ja landula esiku ljaapagani.
 - 14 M. 1 Joh. 4: 9-16. Mk. 3: 31-35.
 - 15 D. Mk. 1: 9-15. Mk. 4: 1-9.
 - 16 W. Joh. 1: 35-42. Mk. 4: 10-20.
 - 17 Do. Mt. 4: 18-25. Mk. 4: 21-25.
 - 18 V. Hebr. 2: 14-18. Mk. 4: 26-34.
 - 19 Sa. Joh. 5: 19-24. Jes. 61: 1-6. Mk. 4: 35-41.

- Ef. 2: 11-16. Joh. 4: 5-26. 1 Mos.12: 1-4.
- 20 S. Os. 2 ja landula esiku ljaapagani.
 - 21 M. Jes. 61: 10-11. Mk. 5: 21-34.
 - 22 D. 2 Mos. 20: 1-17. Mk. 5: 35-43.
 - 23 W. Mt. 19: 3-9. Mk. 6: 1-6.
 - 24 Do. Mt. 5: 17-26. Mk. 6: 7-13.
 - 25 V. Joh. 1: 15-18. Mk. 6: 14-29.
 - 26 Sa. Hebr. 12:18-29. 2 Aakuan.5:1-19. Mk.6:30-44.

- Hebr. 11:1-10. Joh. 4:27-42. 2Aakuan. 5:1-15.
- 27 S. Os. 3 ja landula esiku ljaapagani.
 - 28 M. Lk. 4: 16-30. Mk. 6: 53-56.
 - 29 D. Ef. 3: 1-12. 5 Mos. 4: 1-10.
 - 30 W. Joh. 4: 5-14. 5 Mos. 4: 23-31.
 - 31 Do. Joh. 4: 27-42. 5 Mos. 5: 1-10.

ONDJALULAMASIKU jomumvo 1952 taji holoka uo momuedi nguka no taji pula otiki (3d.) ngashi shito. Ji ikongela ano, oshoka ji nooteksti adihe domumvo 1952.



D I D I L I K A
oofuto oompe diifo jetu:
OMUKUETU
mOuambo 1 s. 6d.
kUushimba 2 s. -
EHANGENO
mOuambo - 9d.
kUushimba 1 s. -